



昭陵山為隆業山均從祀

方澤 又每

陵各設官員及守

陵人戶并定祭儀 十年議準

興京

陵

東京

陵冬至歲暮清明用牛一孟秋望十月朔用羊一均獻

酒果點香燭讀祝奠帛遣宗室覺羅大臣行禮每

月朔望用羊一獻酒果點香燭遣守



陵官行禮

福陵

昭陵冬至之祭用牛一羊一豕一獻酒果點香燭奠帛  
讀祝行禮忌辰清明歲暮孟秋望十月朔暨  
萬壽聖節均獻酒果點香燭不讀祝奠帛遣守  
陵官行禮 又議準

興京

東京

陵照

福陵

昭陵例停止元旦之祭預於歲暮日行禮 十二年定

凡遇忌辰遣官三人於本

陵獻酒果點香燭致祭或遣在京官前往或遣

盛京官致祭具題請

旨 十三年題準

陵山週圍立界內禁止採樵 又題準謁

陵禮親王以下叅領輕車都尉以上若至

盛京並往來經過均於

福陵

昭陵內門外叩謁行三跪九叩禮 十五年奉移

東京

陵改祔

興京

陵安墓地宮罷積慶山祀典 十六年稱

興京

陵曰

永陵遣官致祭 十七年

諭興京有

四皇帝陵盛京有

太祖

太宗山陵理宜躬親致祭乃朕躬在京不能依時前往  
可將宗室內除數人居住盛京按時致祭著議政王  
大臣等會議具奏欽此遵

旨議準

福陵著宗室鎮國將軍一人覺羅三等輕車都尉一人  
前往居住

昭陵著輔國公一人覺羅三等輕車都尉一人前往居  
住至

永陵致祭著伊等輪流往祭 十八年建  
永陵稱饗殿為

啟運殿門為啟運門立

景祖翼皇帝

顯祖宣皇帝遷祔

永陵廟碑 康熙元年奉安

四祖

四后神牌於

啟運殿 二年建

世祖章皇帝陵於直隸遵化州之鳳臺山稱曰  
孝陵

世祖章皇帝

孝康章皇后

端敬皇后同日安葬地宮封鳳臺山為

昌瑞山從祀

方澤 又題準

隆恩殿中一間寢室奉安

世祖章皇帝神位居左奉安

孝康章皇后神位居右右一間奉安

孝獻皇后神位均南嚮稱饗殿為

隆恩殿門為

隆恩門樓為明樓上懸

孝陵牌匾每年以清明孟秋望冬至歲暮為四大祭祭

日奉

世祖章皇帝神位居中

孝康章皇后神位居左

端敬皇后神位居右均南嚮

帝后同案奠獻行禮與

昭陵禮同 又題準凡

陵寢週圍立界界內禁止採樵設

孝陵官禮部設奉祀郎中工部設修理郎中兵部設守

衛總管內務府設奉祀郎中等官及內監各執

事男婦鑿儀衛設校尉二十四名戶部設庫尉

二人領催一人禮工二部設各項人役三百二

十餘人又置牛羊圈設吏以飼犧牲設莊頭二

人各給地一百二十晌園頭一人給地二十五

晌以供米麵菜蔬官員兵丁員額詳見又除內

大臣侍衛等守護

山陵 是年議準改建

福陵

昭陵明樓寶城

地宮修理完竣前期一日各遣大臣一人以奉安祇告

讀文致祭一如大祭禮是日焚楮帛五千祭酒  
三爵奉安

地宮禮成祭酒三爵

隆恩殿內供奉

神牌及神龕寶床衾褥帷幔樺施均照

太廟成式製造 又題準謁

陵禮凡有事往

盛京者三品以上官於

福陵

昭陵羅城門外行禮若遇致祭日二品以上官進城門

內隨守

陵官陪祭歸時行禮同 三年奏準

陵寢祭饗易豕為羊并將祭品酌定 又議準謁

陵禮凡往東路經由石門者王貝勒於

隆恩門外行三跪九叩禮守衛直班官員開

隆恩門貝子以下三品官以上行禮不開門均由奉

祀禮部官引禮回時不必進謁往湯泉者回時

準其進謁若遇祭饗日免行禮 又議準每歲

清明於各

陵上土十有三擔承祭官總管掌關防官率官兵共十

有三人升

寶頂敷土預於界外取土貯各  
陵牆外潔淨處候用 七年於

福陵

昭陵

孝陵各建立

聖德神功碑恭紀

列祖功德昭垂萬世

八年議準

福陵

昭陵停止宗室覺羅居住

四陵每年四時大祭遣多羅貝勒以下奉國將軍并覺

羅男以上前往恭代致祭

又議準

盛京

三陵每年四時祭祀令奉天將軍副都統侍郎致祭每

祭預期將職名開列具題

孝陵照見定例仍奏遣王公前往若遇大事

四陵將和碩親王以下鎮國將軍並覺羅民文武一品

大臣以上奏遣前往

九年

聖祖仁皇帝奉

太皇太后



仁憲皇太后率

孝誠仁皇后詣

孝陵先期欽天監擇吉日禮部具題內閣撰祝文祭文  
太常寺辦告祭品物宗人府題請扈從王以下  
宗室覺羅等官各部院題請扈從堂上官科道  
官各一人各部院酌委官屬兵部題請扈從官  
軍額數鑾儀衛備隨行儀仗戶部給扈從官軍  
行糧工部修理橋梁道路光祿寺預辦

御膳供具教坊司設大樂

聖駕啟鑾前一日

聖祖仁皇帝躬詣

太廟行祇告禮不設鹵簿啟鑾日設騎駕鹵簿不作樂  
午門鳴鐘在京王以下文武各官咸常服於  
午門外分翼跪送時

太皇太后

仁憲皇太后

孝誠仁皇后均由

午門出長安左門

聖駕經由通州三河薊州等處地方文武官咸常服於  
道右百步外跪迎次日

駕發仍跪道右恭送其迎送各官吏部奏請朝見將至  
孝陵守

陵官員不直班者均至興龍口之外道右跪迎至日行  
謁

陵禮

太皇太后

仁憲皇太后

孝誠仁皇后公主等先行

聖祖仁皇帝率王以下叅領侍衛等官隨後行進

昌瑞山紅門

太皇太后駕入

隆恩門至明樓階前降輿

仁憲皇太后駕入

隆恩門至

隆恩殿階東南降輿

孝誠仁皇后至

隆恩門內燎鑪旁降輿公主等至

隆恩門外階下下車馬扈從婦女至三洞橋迤南下

車馬

太皇太后於方城上東旁坐祭酒舉哀

仁憲皇太后率

孝誠仁皇后暨公主等於明樓前正中行六肅三跪三

拜禮隨舉哀行禮畢奉

太皇太后陞輿還

行宮

聖祖仁皇帝至下馬石牌降騎王以下各官均在五洞

橋迤北下馬恭謁行禮出乘騎還

行宮次日於

隆恩殿行大饗禮又次日於

寶城前設黃幄行讀文致禮<sub>祭</sub>恭奉

太皇太后

仁憲皇太后率

孝誠仁皇后公主等先行至

寶城前太常官讀祭文

聖祖仁皇帝祭酒行禮王以下各官於

陵寢門外均隨行禮如儀祭畢

聖祖仁皇帝御行宮守

陵官員行朝見禮

聖駕回鑾設儀仗作樂經過地方文武官咸朝服跪道

右迎送至

行宮行朝見禮至京日

聖祖仁皇帝親詣

太廟祇告畢還宮

午門鳴鐘不隨從王以下文武各官咸服於

午門外齊集跪迎候

聖駕過各退越二日

聖祖仁皇帝御太和殿設鹵簿六駕王以下文武各官

咸朝服進表慶賀

十年八月

聖祖仁皇帝恭謁

福陵

昭陵前期一日

聖祖仁皇帝躬詣

太廟行祇告禮次日

啟鑿設騎駕鹵簿不作樂

午門鳴鐘不隨從王以下文武各官咸常服於

午門外分翼齊集跪送王以下大臣出城恭送隨

從王以下宗室覺羅官各部院官扈從官軍及

各執事人員由該衙門具題

聖駕經過地方文武各官咸常服於道右百步外跪迎

次日亦於道右跪送其迎送各官由鴻臚寺題

請朝見至

陵鴻臚寺預行題請令守

陵官暨

盛京文武各官均常服於道右跪迎至日恭謁

福陵行禮次日恭謁

昭陵行禮畢

聖駕回行宮次日恭詣

福陵

昭陵隆恩殿行大饗禮又次日於

福陵

昭陵隆恩殿前設黃幄焚楮帛行讀文致祭禮因城前不

能容設禮畢還宮先期鴻臚寺題請守

陵官員及

盛京文武各官咸朝服於

崇政殿前排立行三跪九叩禮又令守

陵官員

盛京官員并老疾休致候補官員咸朝服於

大清門兩旁分翼齊集設騎駕鹵簿於

大清門前

聖祖仁皇帝御門陞座作樂

賜燕頌賞畢各官均行三跪九叩禮次頌賞守  
陵官軍

盛京官軍及老疾辭退官軍等畢

聖駕回行宮遣王暨內大臣前詣

永陵致祭如儀其祭

福陵

昭陵時

諸妃園寢亦照常致祭頤親王克勤郡王功臣直

義公費英東弘毅公額宜都武勳王揚古利忠

義公圖爾格墓并各遣大臣祭酒

聖祖仁皇帝回鑾時率王以下各官恭詣

福陵

昭陵行告辭禮是日不啟正門

聖祖仁皇帝進旁門下馬諸王於旁門外下馬各官於

紅橋前下馬

聖駕回鑾設儀仗作樂經過地方官咸朝服跪迎

聖祖仁皇帝往返均詣

孝陵祭酒行禮至京日恭詣

太廟行祇告禮畢還宮

午門鳴鐘不隨從王以下文武各官咸朝服於

午門外跪迎候

聖駕還宮各退次日王以下文武各官進表慶賀 十

五年題準每月朔望

皇陵奉祀官點香燭行三跪九叩禮忌辰

萬壽聖節行禮同 又議準

孝陵祭品內不用豕

陵寢供獻酌定用五十盤 今六十 五盤 凡每年清明孟秋望

冬至歲暮

陵寢各遣官一人陳太牢俎豆上香奠帛獻爵讀文致

祭遣官由宗人府具題三月十八日

萬壽聖節及十月朔

陵寢獻酒果不讀祝奠帛遣守

陵官上香行禮各

陵寢忌辰行禮同已上由太常寺具題每月朔望

陵寢各獻羊一果實十二盤守

陵官上香行禮 十五年定忌辰祭

陵均令奉祀官行三跪九叩禮 十七年奉

旨

孝陵應用黃蠟改用白蠟 二十年營建

陵寢告成自沙河翠華城

殯宮奉移

孝誠仁皇后梓宮

孝昭仁皇后梓宮於三月初八日同安葬

寶城地宮稱

皇后陵寢設守

陵官員兵丁內府各設執事男婦及牛羊吏四時大祭  
及朔望奠獻行礼均與

孝陵同又設

妃園寢

二十一年

聖祖仁皇帝躬詣

永陵

福陵

昭陵致祭凡隨從王以下文武各官及官軍均由各該

衙門具題恭候

欽命隨往

聖駕啟行前一日祇告

奉先殿往返經由州縣守土官迎送至

盛京守

陵官員暨

盛京官員恭迎均如儀至日恭謁



福陵

昭陵並雙日行大饗禮單日行焚楮帛讀文致祭禮儀均與康熙十年同

太妃

貴妃園寢

聖祖仁皇帝親詣祭酒

淑妃以下遣王等祭酒穎親王克勤郡王功臣費

英東額宜都揚古利圖爾格墓遣大臣讀文致

祭貝勒以下奉國將軍以上一品官墓遣官祭

酒東京達爾漢巴圖魯親王卓立克圖貝勒墓

亦遣大臣往奠祭饗

福陵

昭陵禮成

聖祖仁皇帝恭詣

興京展謁

永陵親王以下一等待衛三品官以上咸素服隨行禮

聖祖仁皇帝由左門入至台階下拜位行謁見禮其次

日行大饗禮儀與

福陵

昭陵禮同

永陵內武功郡王恪恭貝勒墓遣大臣於  
殿外兩旁設筵致祭禮成賞賚

永陵居住官員兵丁各有差次諸詣黑龍江地方望祭  
長白山率諸王百官行禮畢

聖祖仁皇帝還

盛京詣

福陵

昭陵祭酒回鑾往返均詣

孝陵祭酒

聖駕回京日

午門鳴鐘不隨從王以下文武各官咸朝服於

午門外跪迎是日祇告

奉先殿其王以下文武各官表賀奉

旨停止 二十六年

聖祖仁皇帝恪遵

孝莊文皇后遺命於遵化州

昌瑞山

孝陵之東南建造享殿後殿於二十七年四月十九日安奉

太皇太后梓宮於後殿稱

暫安奉殿設奉祀禮部內務府郎中尚茶尚膳等官暨

旗員兵丁執事男婦四時大祭及朔望奠獻行  
禮均與

孝陵同 二十八年奉移

孝懿仁皇后梓宮安葬於

皇后陵寢

寶城地宮 三十六年

諭

暫安奉殿非係山陵地方既近嗣後凡忌辰致祭著照

四時大祭禮行欽此 三十七年

聖祖仁皇帝奉

仁憲皇太后詣

興京謁

永陵自薩爾滸地方由琉璃河

駐蹕

福陵東謁

福陵次謁

昭陵翼日致祭

福陵

昭陵

親臨勳臣揚古利費英東額宜都墓祭酒

賜守

陵官兵燕

回鑿入山海關謁

暫安奉殿謁

孝陵次至

仁孝皇后陵寢禮畢奉

仁憲皇太后還京師 四十五年議準

皇陵祭祀關係重大嗣後守

陵郎中員外凡遇出差必各留一人在署辦事 四十

八年奏準二月二十六日清明祭

皇后陵寢是日值

孝昭皇后忌辰例應致祭察以前並無二祭相值之日

且忌辰無祭文今或將忌辰先行前一日致祭

或二祭並於一日致祭具奏奉

旨著前期一日致祭 五十七年奉移

孝惠章皇后梓宮安葬於

孝陵之東寶城地宮稱

孝東陵並擇吉安葬

諸妃及諸宮人於各墓設奉祀禮部內務府等官

暨旗員兵丁執事男婦如制

隆恩殿中寢室奉安

孝惠章皇后神位左室奉安

悼妃

恭靖妃

恪妃

端順妃神位右室奉安

貞妃

淑惠妃

寧懋妃神位均南嚮明按上懸

孝東陵牌匾歲以忌辰清明三秋望冬至歲暮行大饗

禮是日奉

孝惠章皇后神位居中南嚮

四妃神位居左西嚮

三妃神位居右東嚮奠獻行禮均與

孝陵同諸妃奠獻均用內監 六十年

聖祖仁皇帝以在位六十年躬祭

孝陵分遣

皇子祭告各

陵

成京

祖陵遣

世宗憲皇帝率

皇子

皇孫詣

盛京

世宗憲皇帝祭

福陵

皇子祭

昭陵

皇孫祭

永陵

聖祖仁皇帝至

東陵日躬詣

暫安奉殿

孝陵

孝東陵展謁祭酒行禮如儀次日行大饗禮如時饗儀

六十年十二月

日有

諭朕念

皇考陵寢如照定例止令總管關防守護朕心實屬不  
忍將朕諸弟內一人封以王爵兄弟之子內二人封

以公爵永代朕身守護外以大學士一人尚書二人  
侍郎二人領侍衛內大臣一人內務府總管一人副  
都統二人散秩大臣二人乾清門侍衛四人近御侍  
衛四人侍衛四十人前往守護伊等有闕停補 又  
定凡駐守官員等令大學士總理事務侍衛令  
領侍衛內大臣內務府人員及內監等令內務  
府總管各管理前即中舊用關防繳部將關防  
內增入

景陵字樣

雍正元年六月內閣交出

御書

景陵碑文二道明樓殿門牌二道三件奉

旨不用鈎摹即以此刊刻欽此遵

旨議準俟工部鐫刻完工交欽天監選擇吉日先期祇

告

聖祖仁皇帝几筵屆期禮部堂官一人行禮恭懸牌匾  
是年六月遵

聖祖仁皇帝遺

旨以

敬敏皇貴妃從葬

景陵寶城地宮 九月初一日奉移

聖祖仁皇帝梓宮安葬於

昌瑞山

景陵寶城地宮

孝恭仁皇后同日祔葬 又題準

隆恩殿中一間寢室奉安

聖祖仁皇帝神位居中

孝誠仁皇后神位居左

孝昭仁皇后神位居右

孝懿仁皇后神位居左次

孝恭仁皇后神位居右次奉安

敬敏皇貴妃神位於右 間均南嚮明樓上懸

景陵牌匾每年清明孟秋望令至歲暮行大饗禮是日

恭請

帝神位南嚮

敬敏皇貴妃神位東嚮奠獻行禮均與

孝陵禮同 二年清明節

世宗憲皇帝躬詣

景陵至日恭謁

暫安奉殿祭酒行禮如儀以次恭謁

孝陵



孝東陵畢恭謁

景陵特降

諭旨凡屬

聖祖仁皇帝諸皇子皇孫及當日親近大臣官員皆得  
進至

明樓前行禮舉哀 清明日行上土禮是日

景陵內務府總管荷土禮部太常寺堂官二人恭導

世宗憲皇帝至

明樓

親着黃布護履

躬荷土擔親王二人前後奉<sub>監</sub>由左旁磴道升至石柵

欄

世宗憲皇帝膝行至

寶頂跪上土畢匍匐退行至

明樓除護履禮部太常寺堂官恭導

世宗憲皇帝詣

隆恩殿行大饗禮畢由

隆恩殿左階降入

陵寢門至

寶城前舉哀畢

回鑾 三年建

景陵

聖德神功碑遣大學士工部欽天監堂官相度立碑方  
位奉

旨

世祖章皇帝碑文字跡似小

聖祖仁皇帝在位六十餘年功德隆盛文章字數甚多  
一碑不能盡載建立二碑一刻清文一刻漢文其碑  
若比

世祖章皇帝碑亭寬展恐有不安即或加寬必不可加

高爾等詳議務期合宜欽此遵

旨議準照依

孝陵碑亭式樣建立二碑詳加相度方位繪圖進呈

御覽鐫刻告成擇吉建立 四年

諭

皇考聖祖仁皇帝三年大禮已滿朕追念罔極深恩欲  
於

皇考忌辰每歲遵照三年內祭禮舉行朕終身永慕豈  
三年祭禮所能限况億萬臣民感戴

皇考深仁厚澤自古帝王罕能比並一切禮儀亦非定

制所得拘也朕舉行此禮自展思慕誠切之衷至與  
舊制合否皆不遑計此禮亦惟朕躬特行於我  
皇考後世子孫不必奉為成例應行禮儀該部議奏欽  
此遵

旨議準每年

聖祖仁皇帝忌辰照週年祭祀例其內務府禮部工部  
太常寺光祿寺及有執事各該衙門先期奏請  
遣堂官前往屆期於在京王公大臣內或

陵寢王公大臣內恭候

欽命一人主祭永遠遵行八年奏準十一月十三日

恭遇

聖祖仁皇帝忌辰適逢冬至請於十一日照週年禮致  
祭十三年十月

諭據禮部於十一月十三日恭遇

皇祖聖祖仁皇帝忌辰或照

陵寢忌辰祭祀禮致祭或照四時大饗禮致祭之處具

奏朕思

皇考誠孝純篤哀慕無窮三年之後每遇

聖祖仁皇帝忌辰於

景陵祭祀之禮特加隆備并降

諭旨謂此禮惟朕躬特行之於

皇考後世子孫不得奉為成例但朕仰體  
皇考孝思於

皇祖聖祖仁皇帝忌辰祭祀之禮意欲仍照舊例舉行

至於率親率祖理本同原孝享明禋不容或異嗣  
後恭遇

列祖

列后忌辰應否遵照致祭

景陵之禮一體舉行以展報本追遠之意王大臣會同  
禮部定議具奏欽此遵

旨議準享祀固在備物而典禮尤貴酌中謹按各

陵寢四時大祭牲用太牢獻帛爵讀祝文致祭於  
隆恩殿具朝服行禮從前

聖祖仁皇帝於

孝莊文皇后忌辰此禮行之最久原與各

陵忌辰祭祀之禮不同至遇

聖祖仁皇帝忌辰致祭

景陵係奉

大行皇帝諭旨於定例外仍照週年禮致祭是以又有  
不得奉為成例之

旨謹詳酌典禮今十一月十三日

聖祖仁皇帝忌辰應照

陵寢四時大祭用太牢獻帛爵讀祝文遣官承祭其承

祭官暨執事官照例具朝服行禮陪祀大臣官

員停其由京遣往在

陵官員咸令陪祀祝文交翰林院撰擬進

呈永遠遵行嗣後恭遇

列祖

列后忌辰均照

陵寢四時大祭禮舉行 乾隆元年封

太平峪為

永寧山從祀

方澤 是年奏準特遣宗室將軍六人往駐

盛京給以田廬永遠承祭

三陵 又奏準奉祀

恭陵禮部設於易州之北隔以易水恐夏秋水盛有礙

祭典請以祝版房並應用乳牛圈移建于夏莊

左邊 二年奉

世宗憲皇帝梓宮安葬於易州

永寧山

恭陵寶城地宮

孝敬憲皇后同日合葬

敷肅皇貴妃從葬

皇上御書明樓殿門牌匾暨碑文二道均由工部鐫刻彩飾鐫成之日先期祭告擇吉恭懸文題  
準

隆恩殿中寢室奉安

世宗憲皇帝神位居左

孝敬憲皇后神位居右奉安

敷肅皇貴妃神位於右一間均南嚮明樓上懸

恭陵牌匾每年忌辰清明孟秋望冬至歲暮行大饗禮

是日恭請

帝

后神位南嚮

敷肅皇貴妃神位東嚮奠獻行禮均與

景陵禮同又定守

陵人員員勒二人公一人大臣官員十人侍衛十人皆  
奉

旨除往其奉祀禮部工部內府官暨守衛官兵內監  
執事男婦人役均照

景陵例設立並鑄給關防 又奏準

昭西陵

孝陵

孝東陵

景陵相距甚近所設即中等官無庸各立關防應將各

舊關防繳部別鑄給

孝陵奉祀禮部關防將各部院即中暨

陵寢見在即中選擬正陪引

見恭候

欽命一人掌管關防凡一切

陵寢事務令其會同各官辦理以馬蘭峪禮部衙門為  
辦事公所照各部院章程設立經承二名每事  
立稿存案以期典禮之一再各

陵寢贊禮讀祝等官禮儀殊不熟練應令掌關防即中  
於祭祀閑暇時令其輪班來京赴太常寺演習  
俟一年後演習已熟俾其來京每逢三六九日  
時加演習庶進退聲韻不致生疎再每年令太  
常寺堂官或於清明或於中元前往

陵寢察看如有錯誤即將該員參處 又奏準遣大學  
士工部堂官各一人建立

恭陵

聖德神功碑 又奏准凡恭遇

皇上親詣行禮典儀官贊執事官各共廼職贊引官贊就位至遣官行禮則典儀官贊排班就位未免參差應將贊排班就位贊進停止一如祭祀之儀行其元旦

萬壽聖節十月朔及忌辰之祭贊執事官各共廼職並三獻爵均以贊引官一人兼贊與各祭不同應增設典儀官一人以昭畫一又每月朔望向皆

陵寢掌關防官承祭獻茶畢上香退至丹陛向上立俟  
三獻畢行三跪九叩禮退不贊亦無導引官今各

陵寢貝勒公大臣輪流行禮恐儀節不齊應增贊禮即二人導引仍不贊 又奏准清明

山陵增土固沿前明舊制但負土十三擔往來二十餘次似覺煩數且十三擔并無取義恭擬每年清明於各

陵皆增土一擔由西磴道升至石柵并為一筐但令承祭官一人敬謹奉筐而升祇跪敷土於



寶頂仍由西磴道降廢踐履不致多人而保護鞏固之

意益昭誠敬 又議準

恭陵牛羊圈亦請移設於夏莊 是年

諭朕自幼齡仰蒙

皇祖慈愛撫育宮中又命

太妃皇貴妃

太妃貴妃提攜看視

兩太妃仰體

皇祖聖心思勤備及周至朕心感念不忘意欲為

兩太妃千秋之後別建園寢令王大臣稽察舊例

王大臣奏稱古有別建園寢之例今若舉行於典

禮允協朕奏聞

皇太后欽奉

懿旨先行可傳諭該部於

景陵附近之處敬謹相度擇地營造其規制稍加展拓

以昭朕敬禮之意欽此 又奉

旨妃園寢朔望點香燭著內府官行禮 又奏準

景陵妃園寢饗殿增造寢宮兩次間床龕並定諸

妃神位次序奉安

溫僖貴妃神位於中龕內居左

慧妃神位居右

惠妃神位次左

宜妃神位次右奉安

榮妃神位於西龕內居首次

平妃神位次

良妃神位次

宣妃神位四時大祭祝文內以次書 三年

皇上詣

恭陵展謁行禮扈蹕王等至東旁山側紅椿下馬貝勒

以下去山稍遠下馬

皇帝至東廂房南降輿禮部堂官前引進

隆恩門左門

隆恩殿東旁入

陵寢門左門至

明樓前行禮祭酒舉哀如儀禮畢恭導

皇上出

陵寢左門至東廂前乘輿還

行宮 次日清明

皇上詣

陵親行上土禮畢於

隆恩殿行大饗禮 是年

皇上恭謁

恭陵行禮儀與清明前一日展謁禮同 是日

皇太后率

皇后謁

恭陵

皇太后乘輿由

隆恩門入至

隆恩殿臺階東南隅降輿

皇后乘輿由

隆恩門入至燎爐旁降輿扈從婦女於石橋旁下車

隨入

陵寢女官前引

皇太后

皇后由

隆恩殿東旁進

陵寢門左門至

明樓前行六肅三跪三拜禮興退立東旁女官進奠几

於正中

皇太后詣正中跪三祭酒每祭行一拜禮

皇后隨行禮畢

皇太后

皇后西嚮舉哀禮畢女官恭導至降輿處乘輿還  
行營

皇上次日於方城

明樓前設黃幄行三週致祭禮

皇上親詣祭酒行禮如儀詳見周禮

是年議準

端慧皇太子吉兆應稱

園寢饗殿五間及兩廡大門均覆綠瓦其塋地請  
委官於黃花山湯泉一帶地方敬謹相度 五年

奏準恭進各

陵寢祝版由奉祀禮部送往止設前引官二人應照在  
京恭進祝版例用前引十人一體增設若本

陵寢贊禮即筆帖式不敷即於各  
陵官員補足以昭畫一 六年奏準恭按

永陵

福陵

昭陵四時大饗并

福陵

昭陵忌辰祭饗均由

盛京禮部於往駐

盛京宗室將軍六人內按名擬定正陪咨送太常寺具題

欽命承祭行禮

永陵每月朔望令該掌關防官上香行禮

福陵

昭陵每月朔望由禮部輪委宗室將軍二人行禮如

欽命後遇有事故無應補宗室將軍請於奉天將軍副都統侍郎等內酌補行禮仍將職名送太常寺奏

聞其小祭酌補行禮大臣照常注冊 是年奉移

成妃金棺於

景陵妃園寢安葬奉安

神位於饗殿東龕內居首 七年議準奉移

端慧皇太子金棺於朱華山園寢設內副管領一人守陵人二十戶尚茶尚膳八人八旗防禦八人驍騎四十名四時致祭照

妃園寢例設讀祝官二人贊禮郎三人每祭令禮部郎中或員外郎一人前往監禮 八年奉移

慈惠皇貴妃金棺於

景陵之東稱

景陵皇貴妃園寢設員外郎一人讀祝官二人贊禮即  
三人守陵駙騎校一人駙騎四十人尚茶三人  
尚膳四人守陵人十有五戶均歸入

景陵一體當差增設防禦四人同

妃園寢防禦八人共十有二人增設內監四人皆  
於兩處輪流行走四時大祭及朔望之祭禮儀  
均與

妃園寢同

又議準

盛京

三陵一體增設爵墊以備禮儀殿內應用白蠟祝案應

設羊角鐙一以昭畫一 又奏準

三陵殿內陳設鑪瓶五供及香台朝鐙應一式製造祭  
祀所用帷幕改用黃段以肅觀瞻 又覆準

皇上躬祭

永陵殿宇雖覺稍狹惟奠帛爵宜照康熙三十七年之  
例停止拜褥亦照例鋪設

殿外其降

神之初應請

皇上躬親上香以展誠孝以達馨聞再按言列祭

昭陵因帛案前隙地狹窄原有跪獻帛畢擇隙地行三拜之例似與典禮未協恭按各

陵隆恩殿大祀禮儀原與

太廟禮同會典開載

皇上躬饗

太廟均繫獻帛官跪獻帛三叩獻爵官立獻畢各退是

太廟帛爵並未載有親獻禮儀此次

皇上躬謁

祖陵請遵照

太廟親祭典禮並請載入儀注於祭祀前期進

呈 是年八月

皇上躬謁

盛京

祖陵先期各衙門奏除扈從王官大臣官員先期一日

親詣

奉先殿祇告啟

駕日陳騎駕鹵簿

午門鳴鐘在京不隨從王以下文武各官咸常服

於

午門外跪送扈從王以下文武官皆隨行

車駕經過沿途文武官各於道右跪迎如儀  
駕至

興京

盛京文武官咸朝服至前途跪迎朝鮮國王遣使  
臣表請

起居

躬謁

永陵儀與康熙二十一年禮同次日行大饗禮如儀禮

畢頒賞守

陵官員兵丁等有差是日

永陵內附葬之武功郡王恪恭貝勒墓各遣官致祭附  
近之覺羅等祖塋皆遣官往奠

駕至

盛京恭謁

福陵儀與康熙十年禮同次日行大饗禮畢即往謁

昭陵儀與謁

福陵同是日

駐蹕行宮次日行大饗禮如儀其

福陵

昭陵之



太妃

妃

貴妃

淑妃並公主園寢各遣官致祭 是年奉

皇太后謁

陵儀與康熙三十七年禮同

躬謁

祖陵禮成擇日

親臨功臣之墓奉

旨朕親奠克勤郡王等園寢據禮部援引

皇祖

聖祖親奠功臣墳墓之例隨駕之皇子王等均隨行禮

此次隨駕之皇子王貝勒等應隨行禮具奏朕已  
降旨依議竊思從前隨駕之皇子王等皆繫

皇祖子孫是以均隨行禮此次隨行之王貝勒內有朕  
之叔輩或朕之兄弟輩非從前隨駕之皇子王等  
可比每祭酒時亦隨行禮似屬未便朕親臨祭酒  
功臣即為榮寵之至克勤王園寢王貝勒等仍隨  
往功臣揚古利等墳墓不必隨往此後朕之子孫  
若隨來朕降旨遵行再蒙古王額駙王大臣墳塋

皆不必隨往著令禮部記載欽此是日

親臨克勤郡王功臣揚古利費英東額宜都之墓各  
祭酒三爵又親王貝勒以及大臣等墓以次遣  
官往奠翼日禮部奏請遣官望祭

長白山

北鎮醫巫閭山及遼太祖陵禮成

回鑾沿途官員咸朝服跪送

駕至京

午門鳴鐘在京王以下各官咸朝服跪迎  
駕還宮羣臣遙跪恭迎

皇太后還宮衆皆退次日

皇上親詣

奉先殿告祭如前儀越二日禮部奏請行慶賀禮儀與  
三大節朝賀同 又奏準

陵寢贊禮讀祝等官請會同

陵寢總理事務大臣一同稽察 九年奉移  
順懿密妃金棺於

景陵妃園寢安奠奉安

神位於饗殿東龕內在

成妃神位之次 十七年奉移

孝賢皇后梓宮奉安於

昌瑞山勝水峪

寶城地宮稱

孝賢皇后陵寢

慧賢皇貴妃

哲憫皇貴妃同日安葬設奉祀禮部工部內務府

即中員外郎主事筆帖式等官暨守衛官兵執  
事男婦均如制一切工程事務歸井石門工部  
辦理其四時大祭及朔望祭儀均與

諸陵禮同

十九年奉移

純裕勤妃金棺於

景陵妃園寢安葬奉安

神位於饗殿東龕內在

順懿密妃神位之次 是年

皇上詣

盛京恭謁

祖陵先至船廠

親望祭

長白山畢詣

興京謁

永陵次日行大饗禮賞守

陵官員兵丁遣官致祭附葬之武功郡王恪恭貝勒墓

暨附近之覺羅等祖塋

駕至

盛京先謁

福陵次謁

昭陵皆於次日行大饗禮賞守

陵官員兵丁遣官致祭

福陵

昭陵之

太妃

貴妃

妃並公主園寢禮儀均與八年同

皇太后率

皇后恭謁

三陵行禮並如八年儀又遣官致祭克勤郡王功臣楊

古利費英東額宜都墓

親祭

北鎮醫巫閭山遣官祭遼太祖陵禮成

回鑾在京王以下各官咸朝服跪迎越二日禮部照

八年之例奏請

御太和殿行慶賀禮

是年議準展謁

祖陵之日

皇上素服行禮大祭日

皇上禮服陪祀及執事大臣官員咸朝服

又奏準

福陵

昭陵恭請祝版應用前引官十人如禮部官不敷即移

取將軍衙門武弁其四時大祭

永陵啟運殿稍狹請將祝案陳設檐下

二十年平定

準噶爾

皇上親祇告於

景陵遣

皇子祇告

永陵

福陵

昭陵

昭西陵

孝陵

孝東陵

恭陵

孝賢皇后陵寢祭儀與康熙六十年同



